

欽定古今圖書集成

方輿彙編職方典





欽定古今圖書集成方輿彙編職方典

第七百五十九卷目錄

揚州府部彙考七

揚州府田賦考

揚州府漕運考



古今圖書集成  
職方典第七百五十九卷  
揚州府部彙考七  
通志府志合載

職方典第七百五十九卷

揚州府部彙考七

揚州府田賦考

通志府志合載

府總

原額田地山蕩一十三萬五千九百五十六頃  
七十七畝五分六毫九絲六忽內于順治十三  
年除坍江田地一千八百一十頃三十四畝六  
分八釐內有原海門縣坍江田地一十七頃一  
十八畝



順治十四年實在田地山蕩一十三萬四千一百四十六頃四十二畝八分二釐六毫九絲六忽內于順治十六年至康熙三年丈坍并原圈減公占及康熙十二年奉豁坍江田地共六百三十三頃五十一畝四分三毫六絲二忽內有原海門縣坍江田地一百八頃三十六畝九分六釐四毫又康熙九年十三十六年陞增清出田地山井蘆洲歸入民田共五百三十八頃二十一畝六分七釐三毫九絲

康熙十七年實在田地等項一十三萬四千一百一十一頃五十八畝一分四釐六毫二絲四忽又海門縣裁改海門鄉歸併通州實在田三十九頃五十四畝九分五釐一毫又于康熙二十年陞增新漲田一十三頃四十九畝八分九釐康熙二十二年實在成熟田一十三萬四千二百一十五頃八畝三釐六毫二絲四忽又海門縣裁改海門鄉歸併通州實在田三十九頃五十四畝九分五釐一毫



共該徵折色起存連閏銀三十萬九千六百一十八兩七錢四分五毫一忽三微四纖七沙一塵四埃六渺三漠二遂七巡

本色米一十二萬六千三百五十一石五升六合七勺九抄四撮五圭六粟四顆七粒九黍一稷七糠九粃一糶麥一萬一千六百三十八石三斗八升一勺四撮一圭九顆五粒八黍八稷一糠六粃五糶

外不在丁田徵解牙餉吏農班等項連閏共銀

二萬七百八十兩六釐二毫四絲一忽五微零

額外歸併外衛原額屯田九百四十五頃五十

四畝九分六釐清丈出田并基馬二地二百三

十一頃四十四畝四分二釐七毫七絲內有寶

應縣併高郵衛低淤水田該折實田二百一十

八頃九十一畝五分五釐二毫四絲七微六沙

康熙二十二年實共田地一千一百六十四頃

四十六畝五分一釐二毫四絲七微六沙三塵

共該徵銀四千六百三十六兩七錢二分一釐



六絲九忽二微

江都縣

原額人丁共徵銀一萬八百九十一兩八錢一分八釐

原額田地山蕩一萬六千八百九十一頃內除  
圈廢坍江外又加節年新陞共實在田地山蕩  
一萬七千二百四十二頃五十四畝三分二釐  
零每畝科則不等共徵銀五萬八千一百四十  
八兩四分零共徵漕米一萬零四百七十七石

三斗八升四合九勺零漕贈五米五百二十三  
石八斗六升九合二勺四抄五撮鳳米五千八  
百六十五石零二升四勺零月糧米六百九十  
一石六斗五升三勺月糧麥三千二百九十六  
石九斗八升六勺零

儀真縣

原額人丁共徵銀三千三十二兩四錢八分八釐

原額田地二千四百零二頃二十二畝一分二釐



釐八毫內除豁免坍江外又加原報丈增及蘆田歸民糧實在田地二千四百零一頃二十四畝七分八毫共徵銀一萬三千八百八十兩零六錢七分四釐四毫零共徵漕米一千三百八十五石二斗六升一合三勺零漕贈五米六十九石二斗六升三合零六抄五撮鳳米六百五十一石七斗五升月糧米三十一石二斗一升五合月糧麥九十八石零一升七合五勺零

泰興縣

原額人丁共徵銀二千八十兩七錢二分一釐零

原額田地一萬二千五百九十七頃六十二畝九分二釐三毫內除節次蠲坍外共實在田地一萬二千四百二十七頃二十二畝一分一釐零每畝科則不等共徵銀三萬二千三百二十九兩四錢四分五釐零共徵漕米四千六十九石六斗五升六合零漕贈五米二百三石四斗八升二合零鳳米及月糧米共五百三十五石



二升三合零月糧麥二千二百九十九石八斗九升四合零

高郵州

原額人丁共徵銀七千三百一十七兩一錢三釐四毫

原額田二萬五千八百一十五頃七十六畝六分五釐四毫又加節年陞科共實在田二萬五千八百二十三頃四十一畝七分七毫每畝科則不等共折色銀四萬一千五百四十七兩四

錢四分一釐九毫零共徵漕米九千六百九十五石一斗五升四合五勺零漕贈五米四百六十一石六斗七升四合二抄五撮鳳米一千六百一十三石九斗一升月糧米七十九石二斗三升五合一勺月糧麥一百一十三石三斗五升七合六勺四抄

興化縣

原額人丁共徵銀一萬二百八十三兩三錢二分三釐



原額實在民竈及歸併興化所屯田共二萬四千二百七十七頃六畝九分七釐零每畝一例編徵及歸併興化所屯田共徵銀二萬九千四百九十九兩五錢二分一釐又漕贈五銀八百四兩七錢四分五釐又徵加漕銀五千二十七兩四錢五分八釐零共徵漕米一萬六千九十四石九斗漕贈五米八百四石七斗四升五合月糧米三百七十二石三斗一升零月糧麥二百五十二石二斗一升四合零

寶應縣

原額人丁共徵銀六千二百五十兩二錢四釐八毫

原額實在田地二千二百二十一頃七十四畝三分九釐每畝一例編徵共徵銀二萬二百一十三兩八錢六分九釐零共徵漕米七千三百四十八石九斗六升七合五勺漕贈五米三百六十七石四斗四升八合三勺七抄五撮鳳米二千六百一十石五斗六升六合月糧米三石



八斗四升九合八勺月糧麥四百二十四石二斗三升五勺

泰州

原額人丁共徵銀八千六百五十九兩一錢二分四釐八毫零

原額官民竈田地九千二百九十頃四十畝五分四釐五毫零每畝科則不等共徵銀四萬四千二十九兩六錢八分四釐共徵漕米四萬三千九百七十五石七斗五升七合漕贈五米二

千零一十三石八斗二升零四勺五抄鳳米九千九百四十八石四斗六升五合月糧米六百二十八石一斗三升九合七勺月糧麥二千三百石五斗二升六合三勺

如臯縣

原額人丁共徵銀二千三百六十七兩九錢一分

原額田三萬一百八十七頃八十七畝內除坍江均帶外共實在田三萬八十三頃四十九畝



一分六釐每畝科則不等共徵銀一萬九千一百四十九兩六錢九釐共徵漕米四千六百六十六石一斗九升三合漕贈五米二百三十三石三斗九合六勺鳳米及月糧米三百五十五石六斗九升五合月糧麥一千四百三十四石六斗三升六合一勺一抄

通州

原額人丁共徵銀三千九百四兩一錢三分三釐六毫零

原額田地一萬一千七百六十二頃九十八畝八釐八毫零內除節次豁免坍江外共實在田一萬七百七十五頃二畝二分五釐八毫零又加新併海門鄉田地除坍外共三十九頃五十四畝九分五釐零通共實在田地一萬零二百一十四頃五十七畝二分零九毫每畝科則不等共徵銀三萬七千三百六十兩零二錢二分一釐七毫零共徵漕米五千一百零五石五斗三升一合四勺零漕贈五米二百二十八石八



斗二升四合五勺零月糧麥一千三百四十三  
石七斗六升八合九勺零月糧米二百七十八  
石八斗二升四合零

起運戶部項下 按以下九州  
縣合計總數

丁地折色共銀二十萬九千六百九十九兩四  
錢七分一釐二毫七絲七忽三微八纖三沙九  
塵二埃五渺三漠四逡水脚銀一千三百八十  
五兩六錢五分二釐四絲九忽四微三纖五沙  
二塵九渺五漠三逡六巡

折色京邊地畝等銀六萬三千六百一十兩三  
錢一分一釐一毫七絲五忽九微七纖五沙八  
塵八埃一渺四漠三逡八巡水脚銀六百三十  
七兩二錢五分二釐八毫七絲一忽九微九纖  
九沙三塵六埃二渺二逡三巡  
浮糧永折銀一萬兩水脚銀一百兩  
節經裁扣裁剩等銀一萬九千一百三十六兩  
七分一釐五毫六絲七忽七微九纖八沙九塵  
一埃四渺六漠四逡八巡



改解南省畱充兵餉銀三千六百八十四兩九錢七分五釐七毫六絲五忽八微三纖四沙一塵二埃七渺二漠七逡七巡

額編漕操二標兵餉銀三萬二千四百八十四兩一錢一分一釐五毫一絲三忽二微三纖八沙六埃四渺七漠

優免丁田充餉銀一萬四千三百九十五兩七錢四分七釐八毫二絲二忽九微八纖五沙四塵七埃五渺三漠六逡五巡

新增人丁充餉銀三千七百八十六兩一錢九分六釐二毫一絲三忽五微二纖三沙九埃四渺七漠五逡七巡

禮部項下

折色牲口等銀二千三百八十三兩一錢三分五釐三毫四絲六忽四微五塵八埃二漠五逡二巡水脚銀四十七兩四錢八分二釐七毫六忽九微二纖八沙一埃一渺六逡五巡

兵部項下



折色馬價等銀三萬五千四百四十三兩一錢  
二釐四毫四絲三忽二微四纖一沙七塵七埃  
七渺八漠水脚銀三百五十四兩四錢三分一  
釐二絲四忽四微三纖二沙四塵一埃七渺七  
漠七透八巡

工部項下

折色料價等銀二萬四千七百七十五兩八錢  
一分九釐四毫二絲八忽三微八纖六沙八埃  
一渺一漠三巡水脚銀二百四十六兩四錢八

分五釐四毫四絲六忽七纖五沙五塵六漠零  
又戶部項下

本色物料三千六百八十八斤五錢三分一釐  
四毫三絲六微三纖四沙九塵一埃五渺共存  
價墊水脚銀六百九十兩九錢九分五釐九毫  
四絲九微七纖六沙一塵一埃一渺六漠九透  
三巡

內甲字庫銀硃一百三十斤一十三兩三錢四  
分一釐五毫二絲五忽七微七纖一塵五渺二



漠鋪墊銀一十四兩三錢九分一釐二絲二忽  
九微八纖九沙六塵六埃九渺七漠九逡五巡  
膩硃三百五斤六兩一錢五分九釐一毫四絲  
九忽一微九纖五沙五塵七埃六渺六漠鋪墊  
銀三十三兩五錢九分二釐三毫四絲四忽一  
微一纖四沙二塵八渺二漠八逡二巡藤黃四  
十四斤九兩六錢九分九釐四毫四絲五忽八  
微九纖七沙一塵三埃二渺一漠鋪墊銀四兩  
九錢六釐六毫八絲三忽六微九纖五塵四埃

二渺七漠八逡三巡靛花青三百四十一斤二  
錢二分八釐一絲九微三纖二沙五埃三渺七  
漠鋪墊銀三十七兩五錢一分一釐五毫六絲  
七忽七微一纖二沙六塵五埃七渺八漠六逡  
九巡黑鉛五百七十斤一錢五分五釐五絲六  
忽三微六纖六沙八塵一渺九漠鋪墊銀六兩  
二錢七分七絲九忽一微一沙二塵五埃二渺  
一漠八逡八巡烏梅一百五斤一十二兩四錢  
八分二釐二毫六絲八忽九微三纖三沙六塵



七埃九渺九漠鋪墊銀一兩一錢六分三釐五毫八絲一忽五微五纖九沙八塵九渺一漠零丁字庫紅熟銅二百四十二斤九兩八錢八分四釐七毫一絲鋪墊銀三兩八錢八分一釐八毫八絲四忽七微一纖黃熟銅一百八十三斤六兩八錢三分五釐五毫六絲四忽二微四塵二埃二渺二漠鋪墊銀二兩九錢三分四釐八毫三絲五忽五微六纖四沙二塵四埃二浚二巡錫三百二斤五錢九分四釐五毫四絲鋪墊

銀四兩八錢三分二釐五毫九絲四忽四微供用庫黃蠟八百八十三斤六兩三錢七分五釐二毫六絲六忽七微六纖六沙四埃二渺八漠芽茶五百七十八斤十四兩八錢一分五釐八毫九絲二忽五微七纖三沙三埃三渺二漠以上本色額料各年時價不同每年除將所存價墊水脚銀六百九十兩九錢九分五釐九毫四絲九微七纖六沙一塵一埃一渺六漠九浚三巡買辦外其不敷銀兩藩司預期確估申報



督撫會題照數補徵解府委官採買彙解內部  
交納

新改折物料二千六百二十三斤六兩八錢四分  
四毫五絲四忽八微二纖六沙一塵八埃二  
渺六漠共原編價墊水脚銀九百五十六兩五  
錢二分五釐三毫三絲五忽四微六纖一沙二  
塵九埃二渺九巡內

甲字庫銀硃一百三十二斤六兩六錢二分四  
毫九絲九忽六微三纖三沙九塵二埃四渺七

漠共折銀二百六十四兩八錢二分七釐五毫  
六絲二忽四微五纖四沙二塵四埃五渺九  
二巡鋪墊銀一十四兩五錢六分五釐五毫一  
絲五忽九微三纖四沙九塵八埃三渺二漠三  
遂二巡水脚銀五兩二錢九分六釐五毫五絲  
一忽二微三纖九沙二塵六埃六渺七漠三遂  
四巡贓硃一百五十一斤九兩一錢一分五釐  
七毫四絲七忽一微七纖九沙一塵二埃七渺  
六漠共折銀一十八兩一錢八分八釐三毫四



絲九忽六纖四塵七埃四渺五浚一巡鋪墊銀  
一十六兩六錢七分二釐六毫七絲七微九纖  
八沙二塵九渺四漠二巡水脚銀三錢六分三  
釐七毫六絲七忽三微六纖二沙七埃六渺八  
漠六浚九巡藤黃六十一斤四錢五分一釐八  
毫九絲八忽四微六纖六沙五塵七埃四渺七  
漠共折銀六十一兩四錢三釐二毫四絲三忽  
六微五纖四沙一塵六埃九渺二浚一巡鋪墊  
銀六兩七錢五分四釐三毫五絲六忽八微一

沙九塵五埃七渺七漠一巡水脚銀一兩二錢  
二分八釐六絲四忽八微二纖八沙八埃三渺  
二漠一浚八巡靛花青二百八十三斤六錢六  
分九釐二毫六絲四忽七微三纖七沙二塵七  
埃七渺四漠共折銀一百二十七兩三錢六分  
八釐八毫二絲四忽四微五纖一沙四塵三漠  
九浚一巡鋪墊銀三十一兩一錢三分四釐六  
毫一忽三微九纖五沙六埃五渺二漠水脚銀  
二兩五錢四分七釐三毫七絲六忽四微八纖



九沙二渺八漠六浚二巡烏梅九十九斤六兩  
六分四釐六毫七絲三忽五微八纖六沙六塵  
六埃七渺八漠共折銀四兩九錢六分八釐九  
毫五絲二忽一微四沙九塵五埃八渺三漠三  
浚七巡鋪墊銀一兩九分三釐一毫六絲九忽  
四微六纖三沙九埃八渺三浚四巡水脚銀九  
分九釐三毫七絲九忽四纖二沙九渺九漠零  
丁字庫黃熟銅三百一十五斤七兩一錢八釐  
七毫八絲五忽五微七纖九沙三塵四埃一渺

三漠共折銀六十三兩八分八釐八毫五絲九  
忽八微一纖九沙七塵四埃一渺七漠六浚六  
巡鋪墊銀五兩四分七釐一毫八忽七微八纖  
五沙五塵七埃九渺三漠四浚一巡水脚銀一  
兩二錢六分一釐八毫三絲二忽一微一纖三  
沙八塵一埃一渺九漠八浚七巡錫一百三十  
五斤二兩四錢七分一釐八毫七絲共折銀三  
十五兩一錢四分一毫六絲七忽八微八纖七  
沙五塵鋪墊銀二兩一錢六分二釐四毫七絲



二忽水脚銀七錢二釐八毫三忽三微五纖零  
 供用庫黃蠟一百五十九斤三兩一分三釐二  
 毫四絲八忽三纖一沙四塵四埃四渺二漠共  
 折銀六十三兩六錢七分五釐三毫三絲一忽  
 二微七塵八埃六渺一漠四巡水脚銀一兩二  
 錢七分三釐五毫六忽六微二纖四沙一埃五  
 渺七漠二逡二巡芽茶五百五十六斤八兩八  
 錢一分四釐二毫一絲二忽五微一纖六沙八  
 塵六埃二渺二漠共折銀一百五十兩二錢六

分八釐七毫四絲一忽五微二纖三沙七塵二  
 渺二漠五逡水脚銀三兩五釐三毫七絲四忽  
 八微三纖四塵七埃四渺四漠四逡一巡葉茶  
 七百二十九斤四兩五錢一分一毫五絲五忽  
 九纖四沙九塵六埃二渺七漠共折銀七十二  
 兩九錢二分八釐一毫八絲八忽四微六纖九  
 沙三塵四埃三渺五漠一逡七巡水脚銀一兩  
 四錢五分八釐五毫六絲三忽七微六纖九沙  
 三塵八埃六渺八漠七逡



舊改折物料共原編價墊水脚銀二千五百四十八兩四錢七釐一毫二絲三忽九微五纖八沙四塵二埃七渺九漠三逡三巡內

甲字庫銀硃三百九十二斤一十二兩八錢三分三釐二毫五絲九忽六微五纖二沙一塵四埃一渺七漠共折銀一千一百七十八兩四錢六釐二毫三絲六忽一微八纖四沙七塵七埃六渺五漠六逡四巡鋪墊銀四十三兩二錢八釐二毫二絲八忽六微六纖一塵八埃四漠七

逡四巡水脚銀二十三兩五錢六分八釐一毫二絲四忽七微二纖三沙六塵九埃五渺五漠三逡膩硃六十斤一十二兩七錢八分七釐四毫七絲九忽六微九纖五塵六埃四渺八漠共折銀一十一兩五錢五分一釐八毫五絲一忽三微零鋪墊銀六兩六錢八分七釐九毫一絲三忽零水脚銀二錢三分一釐三絲七忽零藤黃六十三斤一十一兩九錢五分二釐零共折銀一十二兩七錢四分九釐四毫三忽零鋪墊



銀七兩一分二釐一毫七絲二忽零水脚銀二錢五分四釐九毫八絲八忽零靛花青一千四百六十六斤三兩三錢七分七釐一毫一絲五忽零共折銀八十七兩九錢七分二釐六毫六絲四忽零鋪墊銀一百六十一兩一錢七分八釐七毫一絲七忽零水脚銀一兩七錢五分九釐四毫五絲三忽零黑鉛五百三十四斤一十五兩二錢二釐零共折銀三十七兩四錢四分六釐七毫七絲四忽零鋪墊銀五兩八錢八分

四釐四毫九絲三忽零水脚銀七錢四分八釐九毫三絲五忽零烏梅九百二十三斤一十兩二錢四釐五毫二絲三忽零共折銀三十六兩九錢四分五釐五毫一絲一忽零鋪墊銀一十兩一錢五分九釐二毫一絲八忽零水脚銀七錢三分八釐九毫零  
丁字庫紅熟銅八百八十一斤一十四兩一錢一分五釐二毫九絲共折銀一百一十四兩六錢四分四釐六毫八絲六忽零鋪墊銀一十四



兩一錢一分一毫一絲五忽零水脚銀二兩三錢一釐八毫六絲一忽零黃熟銅一百二十八斤一十三兩九錢八分二釐二毫九絲二忽零共折銀一十四兩一錢七分六釐一毫二絲八忽零鋪墊銀二兩六分一釐九毫八絲二忽零水脚銀二錢八分三釐五毫二絲零生銅三百四十斤共折銀二十七兩二錢鋪墊銀三兩七錢四分水脚銀五錢四分四釐錫七百一十四斤一十二兩九錢三分三釐六毫共折銀八十

九兩三錢五分一釐四絲三忽零鋪墊銀一十一兩四錢三分六釐九毫三絲三忽零水脚銀一兩七錢八分七釐二絲八微零黃牛皮三十張三分八毫六絲九忽零共折銀八兩七錢二釐九毫一絲二忽零鋪墊銀二兩九錢八分四釐六毫九絲五忽零水脚銀一錢六分四釐一毫五絲八忽零牛筋一百二十三斤一十二兩共折銀一十九兩八錢鋪墊銀一兩九錢八分水脚銀三錢九分六釐



供用庫黃蠟一千四百一十五斤五兩九錢六分五釐一毫四絲五忽零共折銀五百六十六兩一錢四分九釐一毫二絲八忽零水脚銀一十一兩三錢二分二釐九毫八絲一忽零芽茶四十一斤三兩九錢七分六釐一毫四絲八忽零共折銀六兩五錢九分九釐七毫六絲一忽零水脚銀一錢三分一釐九毫九絲五忽零葉茶五百五十二斤二兩七錢三分六絲一忽零共折銀二十二兩八分六釐八毫二絲五忽零

水脚銀四錢四分一釐七毫零

工部項下

本色物料共原編價墊水脚銀一千一百九十八兩六錢七分一釐五毫八絲一忽零內都水司生絹六百八十一疋五分絲六百八十一兩五分八毫二絲三忽零共工價鋪墊銀一千一百四兩四分三釐三毫四絲三忽零白麻二千二百四斤一十五兩三錢九分八毫零共價銀六十六兩一錢四分八釐八毫五絲七忽



零水脚銀一兩三錢二分二釐九毫七絲零魚  
線膠一百七十四斤八兩二錢三分四釐九毫  
五絲共價銀一十三兩九錢六分一釐一毫七  
絲四忽零水脚銀二錢七分九釐二毫二絲三  
忽零熟鐵六百三十三斤二兩二錢共徵銀一  
十二兩六錢六分二釐七毫五絲水脚銀二錢  
五分三釐二毫五絲五忽

新舊改折物料共原編價墊水脚銀二千七百  
二兩八錢六分七釐六毫八絲九忽零內

都水司白麻折色銀三百七十四兩八錢四分  
八釐六毫七絲五忽零水脚銀七兩四錢九分  
六釐九毫七絲三忽零黃麻折色銀一十兩八  
錢一分七釐二絲九忽零水脚銀二錢一分六  
釐三毫四絲五微零魚線膠折色銀三十二兩  
五錢六分八釐九毫四絲七忽零水脚銀六錢  
五分一釐三毫七絲八忽零熟鐵折色銀一十  
二兩六錢六分二釐七毫五絲水脚銀二錢五  
分三釐二毫五絲五忽翎毛折色銀七十八兩



三錢一分二釐四毫八絲水脚銀一兩四錢五分三釐一毫八絲五忽零蒲草折色銀一百二十兩水脚銀二兩四錢藍靛折色銀四百九十一兩三錢六分二釐九毫八絲五忽零水脚銀四兩九錢一分三釐六毫二絲九忽零  
虞衡司鹿皮折色銀一百二十一兩七錢四分五釐七絲九忽零水脚銀一兩二錢一分七釐四毫五絲零牛角折色銀一千四百二十七兩六錢七分八毫二絲零水脚銀一十四兩二錢

七分六釐七毫八忽零

本色漕鳳項下

漕糧正改兌并鳳倉米共一十二萬四千九百一十六石九斗八升五合六勺四抄三撮零

漕糧正兌米五萬九千八百二十三石三合四勺三撮零加三耗米一萬七千九百四十六石九斗一合二抄零補閏米四千七百七十五石二斗五升一合五勺一抄四撮零改兌米一萬六千九百八十七石八斗三升三合六勺一抄



二撮零加二五耗米四千二百四十六石九斗  
五升八合四勺三撮零補閏米一千一百三十  
八石九斗七升六合四勺九抄一撮零鳳米一  
萬九千九百九十八石六升一合一勺九抄零  
存留本色米麥項下

各倉米麥共一萬四千一百四十二石四升二  
合二抄四撮三圭零內

淮安府常盈倉本折均平運軍本色麥四千九  
百六十四石五斗一升七合六勺三抄二撮零

帶徵清河縣運軍本色一半小麥二百三十七  
石五斗

本府軍儲并各州縣改解府倉米麥共八千九  
百四十石二斗四合三勺九抄二撮零

隨漕項下

隨漕蘆蓆旱脚等項銀共一千九百八十五兩  
六錢六分一釐六毫四絲一忽零內

隨漕本色蘆蓆銀二百兩七錢六分五釐八毫  
一絲零船料旱脚銀一千七百八十四兩八錢



九分五釐八毫三絲一忽零

河道項下

河工輕賣水剝椿草淺閘壩溜等項銀共一萬五千七百四十六兩三錢九分八釐三絲四忽零內

舊額河工銀五百九十八兩五錢九分五釐四毫四絲三忽二微零改派抵補河工輕賣車盤銀五千八百四十二兩一錢三分六釐五毫二絲九忽零裏河水剝銀四百八十五兩六錢五

分二釐一毫五絲三忽椿草磚炭淺夫工食銀

五千一百五十六兩二錢六分一釐六毫六絲

七忽零瓜洲閘閘夫工食銀一千一百五十二

兩儀真縣清江閘閘夫工食并椿草銀一千二

百三十八兩四錢寶應縣堤夫銀三百四十四

兩四錢協濟夏鎮分司椿草銀六十七兩二錢

協濟南河工部徐州溜夫椿草銀一百八十九

兩六錢停役壩夫銀一百八十七兩二錢議裁

儀真縣閘夫工食銀三百三十八兩四錢扣裁



儀真縣壩夫銀一百兩八錢扣解南河工部分  
司淺老工食銀四十五兩七錢五分二釐二毫  
四絲一忽六微九纖五沙零  
折色米麥項下

各倉米麥折并廩工口糧銀共一萬六千三百  
六十六兩二錢五分二釐三毫一絲九忽零內  
鳳陽倉米折銀七千六百六十五兩五分八釐  
二毫亳州倉小麥折色銀一百二十三兩六錢  
淮安常盈倉麥一半折色銀一千九百八十七

兩六錢五分七釐七毫六絲七忽一纖零帶徵  
清河縣麥折銀九十五兩本府軍儲倉并州縣  
改解府倉麥米折色銀四千六百一十四兩四  
錢一分五釐五毫五絲二忽零改解折色廩工  
銀一百五十八兩四錢城操備倭把門軍舍并  
土兵口糧銀一千七百二十二兩一錢二分七  
毫九絲九忽零

驛站項下

各驛館支水夫傘轎站馬雇夫修船等銀共一



萬六千一百九十兩九錢七分二釐四毫五絲  
一忽零內

廣陵驛館支并水夫傘轎銀共二千八百一十  
二兩四錢八釐二毫九絲五忽零

邵伯驛館支并水夫傘轎銀共一千八百八十  
六兩六錢八分六釐三毫五絲一忽零

儀真驛館支并傘轎水夫馬料工食銀共二千  
四百九十八兩一錢一分三釐三絲扣解

儀真水驛館支銀七十二兩六錢九分一釐

孟城驛館支并水夫傘轎銀共二千一百六兩  
七錢一分四釐三絲五忽六微

界首驛館支并水夫傘轎銀共一千八百六十  
八兩五錢二分八釐五毫

安平驛館支并水夫傘轎銀共二千七十四兩  
九錢九分五釐五毫

江淮驛站馬銀八百六十九兩

江浦驛雇夫銀四百五十九兩六錢七分

東葛驛馬價傘轎銀一百六十兩



棠邑驛馬季頭工食銀二百八十六兩  
大柳驛站馬銀八十五兩二錢六分一釐一毫  
民站改協寶應縣雇夫銀二百六十四兩二分  
四釐四毫五絲一忽七微一纖一沙  
江寧驛傳道座船水手工食銀六十七兩又修  
船銀四十兩各驛修船銀六百三十九兩八錢  
八分一毫八絲八忽零

揚州府漕運考

通志

府總

康熙二十二年額徵漕糧正改兌正耗粳米九  
萬九千二百八十一石一斗八升六合八勺三  
抄八撮零除蠲免外實徵正改兌正耗粳米五  
萬六千三百一十二石七斗八升六合二勺一抄零  
正兌粳米三萬七千五百六十四石二斗二升  
一合八勺五抄三撮零  
耗米一萬一千二百六十九石二斗六升六合



五勺五抄五撮零

改兌粳米五千九百七十五石四斗三升八合

二勺四抄一撮零

耗米一千四百九十三石五升九合五勺六抄

二圭零

贈米四千九百六十四石五升八合三勺四抄

一撮零除蠲免外實徵贈米二千八百一十五

石一斗三升九合三勺一抄零

贈銀四千九百六十四兩五分八釐三毫四絲

一忽零除蠲免外實徵贈銀二千八百一十五

兩一錢三分九釐三毫一絲五微零

輕賣船料旱脚銀一千七百八十九兩六錢六

分一釐九毫三絲八忽零除蠲免外實徵輕賣

船料旱脚銀一千六十四兩八錢四釐九毫零

蘆蓆三分本色一萬一千五百五十四領一釐

二毫五忽零除蠲免外實徵三分本色蓆六千

五百三十領九分四釐九毫一忽零

裁扣書辦工食銀一千七百二十一兩四錢人



役工食銀八百兩

加漕銀五千二十七兩四錢五分八釐七毫五

絲零除蠲免外實徵加漕銀一千三百一十六

兩六錢一分二釐二毫七絲一忽零

歸併省衛新增竄丁銀二兩五錢五分

歸併省衛協濟銀二十兩八錢五分

揚儀二衛各幫運隨俸廩工銀一千六百一十

兩六錢八分六釐九毫一絲一忽零除蠲免外

實徵俸廩工銀一千四百六十一兩三錢二分

一釐四毫二忽八微零

揚儀二衛各幫運軍月糧折色銀三千二百四

十七兩三錢六分七釐五毫二絲五忽零除蠲

免外實徵月糧折色銀二千四百一十五兩九

錢三分七釐九毫八絲一微零

揚州衛各幫運軍月糧本色米三千三百三十

九石五斗九升九合五勺三抄九撮零除蠲免

外實徵月糧本色米二千七百八十三石八升

二合一勺七抄三撮零



揚州衛各幫運軍月糧本色麥六千二百五十三石七斗一升四合一勺一抄六撮零除蠲免外實徵月糧本色麥五千六百九石五斗二升六合五抄二撮零

月糧裁扣等銀二百一十八兩五錢八分九釐七毫四絲除蠲免外實徵月糧裁扣等銀九十一兩六釐九毫二絲七忽一微零

欽定古今圖書集成方輿彙編職方典  
第七百六十卷目錄

揚州府部彙考八

揚州府風俗考

揚州府祠廟考一



職方典第七百六十卷

揚州府部彙考八

揚州府風俗考

府縣志合載

本府

江都縣附郭

周禮職方氏揚州其民二男五女

史記註漢彭城以東東海吳廣陵也其俗類徐漢地理志漢興高祖兄子濞招致天下娛遊子弟枚乘鄒陽之徒文辭並發故世傳楚辭本吳粵與楚接比數相并兼故民俗略同



太康地記揚州漸近太陽位天氣奮揚履正含  
文故取名焉

柳世隆奏流寓無定憩

南齊海陵王本紀廣陵之俗勞擾爲煩

蕭子顯齊書廣陵流民多庇大姓

隋地理志江都淮南人性並躁勁風氣果決視  
死如歸戰而貴詐此其舊風也自陳平之後其  
俗頗變尚淳質好儉約表紀婚姻率漸於禮  
通典揚州人性輕揚而尚鬼好祀長淮大江可

拒守末嘉之難帝室東遷衣冠萃止藝文儒術  
於斯爲盛今雖閭閻賤品處力役之際吟咏不  
輟

唐李襲譽傳揚州江都俗喜商賈不事農業

揚州風俗志民煮海爲利

紹興廣陵志揚州牧守如王內翰韓魏公與歐  
蘇劉呂皆名德相望風流蘊藉故其俗樸厚而  
不爭好學而文實諸賢之遺化也

嘉定廣陵志俗從約而易化士循理而多文



洪武志江都當江淮之衝要俗喜商賈不事農業四方客旅雜寓其間人物富盛為諸邑最王俱學記地分淮海風氣清淑俗務儒雅士興文藝絃誦之聲衣冠之選復異他州彭時學記地居要衝俗尚侈靡其士多明秀俊偉

鄒守益學田記揚俗尚侈蠹自商始儀真呂師龍學記隋則躁勁果決唐則喜商善賈宋則簡約循理其民安土而樂業其士好學

而有文

孫作記東南之湊土俗勁剽

府志海陵之民惟事耕漁性多樸野

吳陵志揚俗務儒雅

泰興舊志僻在淮堧民多樸質俗尚儉嗇以耕桑為業漁稻為利然水土不齊東北多鄙野西南喜訟訐

高郵舊志居淮揚之間土高而廣於水俗厚而勤於稼人足於衣食有漁稻之富俗好談儒學



桀黠之民好以訟相雄

興化舊志地多陂澤民居水鄉以農漁為業舟楫為途淳厚而力勤稼穡

寶應舊志其東皆沮洳卑下宜種稻粳其西陂高宜麥豆其民力稼穡而勤厚

泰州舊志海陵幽邃地肥美民事耕桑樵漁性多樸野士有文雅之風

如臯舊志渤海控江民多樸野徵科易集訟獄簡稀冠婚喪祭習尚俗禮多儉約之風

通州學記江山控於吳越風俗鄰於鄒魯魚鹽之利商賈多集絃誦之學章甫亦眾

州志阻江濱海宦轍罕至民利魚鹽盜稀訟簡士大夫稱為淮南道院

詹仁深學記其地廣斥有魚鹽之利士登甲科為美官者不乏

海門舊志習樸實而負氣性醇直而不阿耕鑿為生魚鹽為利士讀書而恥奔競之風商為市而無圖射之巧



婚媾 擇配選德禮也江北聘定昔多論財而古道遂不可復邇者嫁娶間以禮義相先亦砥靡歸淳之漸然必使委禽是敦親迎是尚荆布不以爲陋鹿車可以共輓端有俟於式禮而挽風者寶應興化獨重親迎尚有古風焉

喪祭 士大夫治喪或用司馬及考亭家禮獨大小殮製迴殊遇七多作佛事朝祖之夕親友聚宴伎樂雜還名曰伴夜尤爲拂經喪車裂彩爲蓋芻靈冥器象人而用丹旌綵翼橫陳街衢

大約戚不勝文相漸成俗然無火化水葬雖至貧人亦有抔土縉紳舉祭間有家廟亦弗盡制民庶多從寢堂設龕祀奉之親盡不祧雖曰違禮庶幾存厚

燕會 涉江以北宴會珍錯之盛揚州爲最民間或延貴客陳設方丈伎樂雜陳山海羅列一筵之費每逾數金近日物力殫絀縉紳多遵東坡五簋之約頗從簡淡矣賓禮拜揖尚左

元日 爆竹送臘門符更新所在相倣至士庶



家各立天地紙牌陳設跪拜故習因仍已莫可  
挽

人日 按荆楚歲時記正月七日爲人日以七  
種菜爲羹剪綵爲人或鏤金箔爲人以貼屏風  
戴之頭髮名曰華勝

元夕 唐開元時稱天下元夕燈火廣陵爲勝  
或預兆五穀豐登或共慶太平有象載酒歌吹  
輝煌滿路所謂金吾不禁者也

立春 官僚迎春東郊固有常儀乃鋪戶結辦

綵亭優伶前導又用綵製爲船名曰采蓮以教  
坊女奏樂其中近慮擾民禁革毛女芒神土牛  
簪花鼓吹而已

清明 前後三五日士女靚粧冶服遊集勝地  
踏青泛湖是日郡人罷市出西郊蜀岡道上挈  
壺榼者絡繹不絕墓祭以不過清明爲度郡城  
至十月朔復掃墓泰輿以霜降他州縣或不盡  
爾

上巳 按荆楚歲時記三月三日士人並出水



渚爲流杯曲水之飲修禊事也

端午 午節解粽兒女佩丹符頂臂手足懸五色絲繫之卽楚俗長命縷也泛酒用菖蒲丹砂雄黃婦女以葵榴艾葉雜花簪髻午則棄之殘花滿道自朔至午日廣陵濤龍舟競渡士女遊人環聚而觀貿易者爲之罷市

七夕 俗傳天孫渡河小兒女旦起看彩雲或爲穿針乞巧是月望日祀先薦新穀民間或赴寺院作盂蘭盆會附薦其祖考云

中秋 夜設瓜果餅餌祀月兒女羅拜之不間陰晴作月餅相遺者甚衆近郡城多製燈船水嬉自初一日至十五日往往好事者爲之重陽 舊事有茱萸佩囊今俗相餽用糕則以糖秫雜揉爲之市鬻標以綵幡供小兒嬉戲惟有逸趣者必登高把菊賦詩焉

長至 官僚士夫長至稱賀民庶惟設牲醴祀先而已先王閉關養微陽之意識此者希矣除夕 俗用馬料豆秫飯糟果糖祀竈闔門集



少長羣坐設松盆火爆竹或達曙不寐謂之守歲

儀真縣

吳俗尚鬼好巫覡女子焚香許願類赴廟祠男子賽會迎神多至結黨此風浸熾莫可挽止

泰興縣

泰雖廣陵屬僻在江埭郊坰之墟民多樸嗇食力重農無些窳偷惰之習耕桑以為業漁稻以為利不喜牽車服賈遊於四方其君子秉禮讀

書篤闡業者尤多以文藝有聲邇來蜚鳴日盛

斯今日右文之化也日中喧駢肆坊錯列今之

視昔較甚豈生齒繁多抑風尚淳熙之不同歟

吉凶燕會好事家多尚浮誇有意者方志在從

古國儉示禮國奢示儉亦豈有極重難返之勢

乎若夫剽掠鬻訟茲輩有之罔上終凶尤可痛

懲喪祭多從考亭家禮俗無水火葬貧賤之子

務覓一杯土其可嘉也

高郵州



古志高郵民俗多好談儒學傳曰文紋也水廣生紋高郵之水豐故多文學之士

舊志郵居淮揚之間土高而廣於水俗厚而勤於稼人足於食有魚稻之富

王與記宋孫喬崔秦諸公以文章氣節顯郡遂與齊魯等四民之中業耕讀者居十之九瓌奇傑特之才出而顯庸於世專尚氣節故居宦者每貧

郵人不事末作其工與商盡他郡縣人士著無

有也雖爲貿易不出城郭民之生計惟視歲之豐凶雖遇樂歲恥言蓋藏桀黠之民好以訟相雄寧蕩家貲恥受鞭撻喜造訛言轉相傳誦遂成口實

元旦 男女夙興家主設酒果作供繞屋廬皆爆竹震蕩黎明始啓戶焚香拜天次設先祖父遺像率卑幼拜之然後男女序拜其尊長命誨且致祝語其卑者亦以次相交拜男子盛服詣親屬門行禮稱賀歲各以酒食相款接凡五日



方畢

立春 先一日郡官寮迎春東郊閭里無貴賤少長集通衢遊觀率宴會娛樂盡日而罷謂之迎春宴

元宵 前二日官府弛禁縱民偕樂寺觀廟宇各垂綵帶懸諸花燈街市結松棚懸華燈放諸火藥人家吃粉團好事者結燈社出各體燈謎人聚而測之嗙曰打虎簫鼓歌謠之聲喧闐徹旦竟四夕乃焚燈

社日 鄉有社會祭畢設宴序齒列坐雖顯貴人不得先杖者秋社同

清明節 人家插柳於簷端各攜男女具時饈於墓祭祀郊外羅綺炫日亦有盛聲樂移舟車集勝地而飲者陸曰踏青水曰遊湖在清明前後數日乃已

端陽日 以角黍相饋送人家懸菖蒲艾虎閨中製絨符繫綵線士客相招飲雄黃酒其日多禁忌採藥草者率以其期少年人相率鬪草賭



勝負

七夕 宴集乞巧

中秋 夜競設具招客飲以觀月華先期造月

餅採菱藕相饋遺

九日 登高飲茱萸酒烝米粉為糕造土羊剪

綵旗供小兒嬉戲

冬至 用牲醴祀先視常節最隆舊亦罷市三

日今不罷市

臘月中旬 人家以禮物相饋送者幾半月謂

之送年節禮

二十四日 夜送竈用糖餅紅豆飯

除夕 換桃符易門神灑掃堂屋懸五色紙錢

於闌旁向暮家設火具於門首曰生盆放諸火

戲爆竹聲如震雷達曉不輟行迎竈禮祭井廁

已乃闔門集少長歡飲稱分歲酒

興化縣

興化廣陵股肱而風尚固異其君子敦儒小人  
力穡俗甚媿近則去本就末豪富之家嫁娶喪



葬俱倣廣陵非復當年之舊矣然其好古重稼  
猶愈於他俗

婚禮 問名納采與他處略同惟親迎存古禮  
喪禮 初亡至戚哭臨疏者揖擇日時以殮七  
日弔終四十九日安神酬賓不設音樂最陋者  
死之夕孝子送紙土神祠間一日解城隍知禮  
者不行亦不作佛事

祭禮 初喪及發引皆設祭儀節遵文公家禮  
賓客與焉謂之堂奠貧者辭賓惟至戚者與焉

謂之家奠

賓宴 明隆萬之初燕會尚簡物薄情真每大  
會二人一席常會四人一席肴五簋果五六碟  
酒數行止後習尚日移珍異羅列爭為豪奢杯  
盤狼藉謹諱無度矣

元日 晨起拜內外神庶民之家詣廟燒香既  
乃行家人禮親友拜賀至四日止

元夜 張燈食粉丸少年朱衣鬼面金鼓達旦  
火龍蜿蜒如生燈市之盛甲於一郡十三日至



十六日止十六夜兒童迎紫姑神乞巧婦人走  
三橋祈嗣印灰於門以兆秋成

清明 佩柳祀先先後十日掃墓灑麥飯掛紙  
錢

端午 懸艾菖蒲辟邪符兒童繫五絲於手足  
佩繭虎及符角黍相餉賞午飲雄黃蒲酒間有  
龍舟競渡

七夕 乞巧

中元 祀先薦新穀

中秋 作月餅陳瓜果拜月會飲

重陽 市中先八日賣糕以紙剪旗插之是日  
啖糕飲茱萸酒持螯登高

十月朔 祀先赤豆爲飯

小至 祀神及祖先少長夜宴略如除夕謂之  
冬末夜

冬至 賀拜如元旦禮而稍殺

二十四夜 設飴糖燒爆竹祀竈而送之先後  
掃舍宇



除夕 祀神及先祖迎竈改桃符春帖燒爆竹  
松盆少長夜宴酒行自幼者起候迎新歲

泰州

按寶應縣風俗大略相同故不另載

郡舊志海陵幽邃而地肥美故民惟事耕漁性  
多樸野恥以浮薄相誇鮮出機巧雖無富強而  
家亦自給不務儒學自漢高祖王兄之子凜於  
吳致天下遊子枚乘鄒陽嚴夫子之徒而淮南  
王安亦招致賓客著書文辭並發至於梁太子  
統有文選之作常與賓客遨遊此地而港以太

子名橋以金蘭著廟以文孝食故隋書亦云其  
俗頗變喪祭婚姻率漸於禮又有查胡王諸公  
化之而茅茨陋巷絃誦相聞蔚然有文雅之風  
故自宋雍熙至淳祐登進士者百餘人間有廷  
對第一仕至樞府政地者元世風俗頗尚浮靡  
入自有明漸摩政教民復敦龐士還淳厚其擢  
登魁選仕居臺省無減於宋而文雅之風幾或  
過焉

泰俗民樸而鮮儼巧士重信義斥浮薄今漸以



奢侈相尚燕會服飾比於三吳

冠服 三加雖爲古禮名族或間行之而閭里竟莫之曉平居巾幘任意更製危冠側注淆然無辨其服飾類以華靡相競紅紫繽紛殊覺不衷雖貧窶少年亦往往有曳羅綺者較昔時以布袍純素爲尚但衣青藍二色之衣豐樸懸殊矣

婚姻 始議婚或姻戚作伐或用媒妁初聘定次請期次納采女家亦有回贈于歸粧奩豐儉

各稱其家俱設宴延賓迎送合昏夕花燭交輝聚觀如堵三日拜見翁姑及家衆分大小女家備儀物名曰做朝壻隨往拜女之父母徧及親族名曰回門

喪祭 初喪姻族聞訃偕至殮畢三日謁土地祠七日謁城隍廟卜筮向隅而泣事雖近俚而號呼痛割之狀恍如覲其顏面者成服開喪禮親知數人爲司賓以代迎送其往弔者列席畱飲逢七多作佛事當出煞日空室徙避亦有迎



而禳祓者弔客折楮儀賻儀厚薄任力喪家不無小補及舉襄事姻朋醵錢爲飲鼓樂雜沸名曰伴夜屆明執紼送郊喪車結綵爲蓋凡芻靈等物稱家而具葬後領木主歸設龕以祀惟縉紳則有家廟所可取者並無火化水葬一事卽至貧亦有抔土可封也

燕會 賓禮揖拜俱尚左往時殺止數品酒不過六七行無論坐客充庭俱以一杯傳送僅將敬而已今則觥籌無算羅列盈前且多用優伶

十夜爲樂而遂相沿成習矣

元旦 合家拜慶儀與他方同從寅夜卽起詣各廟拜送香紙道路絡繹不絕姻族椒酒相邀穀日 占雲氣陰晴以定一歲豐歉

元夕 張燈自十三夜至十八夜止架松棚綴綵幔懸燈其下載酒相樂花火熾焰少年手持奇巧之燈擊鼓鳴鑼喧闐街市十六夜更闌人靜女伴相攜出行日走橋有乞子者取磚密藏以歸又請紫姑卜女紅巧拙



清明 祀先展墓郊外 婺婦孤兒悲啼遍野 其拜掃率一家長幼咸往焉

浴佛日 婦女有相約詣尼菴拜禮及祈求子息還愿者

端午 解粽泛雄黃菖蒲火酒食臘味男女佩丹符繫五色絲於臂簪花插艾與他處大同小異

七夕 穿針乞巧

中元日 孟蘭大赦僧舍作會遠近爭赴人家

皆祀先薦新

中秋 作月餅相遺設瓜果豆角等物賞月

重陽 市中作糖糕插綵旗以售好事者登高酌酒猶存落帽遺意

十月朝 舉祀先禮炊粘米合赤豆爲飯見西成事畢之徵

冬至 前一日各家俱祀神祀先至正日罷市相賀今不復行

臘月八日 俗食臘八粥合諸果品肉膾爲之



二十四日 送竈神

除夕 前三五日姻戚彼此饋送至日亦祀神  
祀先並接竈換桃符貼春聯合家圍爐守歲  
松盆燒丹驅疫火炮之聲不輟

如臯縣

秦州新志如臯土膏沃而俗勤於稼穡徵科易  
集訟獄稀簡在昔最為淳龐自倭警以後浸淫  
一變富家巨族競以華侈相高不逞者輒誘良  
家子縱擄蒲六博蕩其貲業甚則為逋逃淵藪

邇雖稍懲艾而餘風未殄

縣志臯瀕江控海在昔民多樸野不事商賈其  
性馴柔畏法而恥罪東北之民業魚鹽者過半  
西南之俗力耕稼以資生士讀書循理尊賢而  
尚齒冠昏喪祭禮尚儉約有太古之風明嘉靖  
以來耳目漸蕩獄訟繁興盜賊時有啓禎間知  
縣李衷純吳弘功高名衡名賢輩出力挽頽風  
今漸返於正

婚姻 六禮謹守弗替惟親迎之禮或行或否



即親迎亦不奠鴈御輪婦至合卷而酌共牢而食三日廟見然後謁舅姑主中饋視膳問寢無不如禮但俗尚侈靡人家多以貧乏男女愆期甚者鬻產貸金以致貽累男女終身窮約實為可憫

喪禮 士大夫家多用考亭家禮雖不詳備亦井井有條獨大小殮制迥殊丘壠封樹隨力厚薄絕無水葬火化之事亦俗之厚也

祭禮 惟縉紳大族始有家廟餘則寢堂奉祀但惑於浮屠多作佛事靡費金錢又惑形家言選地擇時恣談禍福龍沙向背之說起而親喪久滯魂魄不安彌天之罪有莫贖者矣

宴會 昔時鬪盛競華費用不貲且以酒為訟苛求酷禁若桎梏然今則崇簡約無復曩風矣元旦 慶賀與泰州同五鼓起拜天地焚天官賜福牌晚聚男女老幼共坐飲椒柏酒是日不討火不汲水不掃地元日後遞相邀飲所謂傳生酒也



立春 前一日迎春綵亭獨爲奇巧騰馬懸車  
憑空結撰珠光耀日繡綵凌雲都不知其端倪  
是日用盤貯生蘿蔔食之卽唐人食生菜意杜  
詩云春日春盤細生菜

人日 婦女剪綵爲人或爲燕雀相餽遺以爲  
鬢髻之飾王沂公詩綵燕迎春入鬢飛

元宵 燈市與泰州同家製米圓將以黃柑相  
餉亦猶昔人傳柑遺意女伴出行拾雲路橋磚  
歸爲得子兆今更訛至集賢橋名曰走三橋月

內婦女於厠旁請紫姑卜休咎以爲嬉戲是月  
新婚者不空牀恐招不祥

花朝 二月十二日一日十五日天中記名撲  
蝶會好事者多置酒園亭或嬉遊郊外常以是  
日陰晴卜果實繁稀

清明 祀先展墓與他處同婦女藉爲踏青之  
遊多插花柳鬢旁以歸

社日 城市不甚矜尚村人咸賽土神以祈年  
穀鄴侯家傳是日以猪肉雜調和鋪飯上名曰



社飯臯俗尤喜為之秋社同

上巳 好事家做古修禊事為曲水流觴之宴

亦多為詩歌以紀其事

端午 角黍丹符之類並與他處同人家爭採

葵榴剪繭虎銜以艾葉名曰艾虎章簡公詩花

陰轉午清風細玉燕釵頭艾虎輕是日採澤蘭

煎湯沐浴昔人謂浴蘭湯者即澤蘭也

六月六日 曝衣曬書

立秋 俗食瓜

中秋 夜飾燈船設雅座玉簫金管清謳達旦

如白下秦淮故事

除夕 大儺旁磔前數日婦女以花勝果餌相

遺名曰饋節餘並與他處同按臯俗澆習好造

言生謗不辨真實好匿名揭帖污讖良善尊富

卑貧輕師慢道以健訟為能以循良為迂愚氓

之家尚巫信鬼紈袴之子遊手好閒此惡習近

今頗能改之

通州



題名記風土龐厚甲諸維揚

舊志人物豪邁家習詩書

通濱江海民貧知義士雅馴無齷齪態農商愿  
樸而株守日用在豐儉之間人情居厚薄之半  
陳忠肅任忠敏之所嘗居王文惠趙康靖之所  
嘗治遊於斯則鄭毅夫仕於斯則劉偉明文彩  
風流衣被到今士大夫稱爲淮南書院

閨閣競尚巧粧鏤金玉爲首飾雜以明珠翠羽  
被服綺繡相衣純采通俗爲甚在海門則稍樸

男女聯婚多在幼年納采稱家有無嫁女粧資  
從厚坐此受困者間有之娶不親迎鼓樂導從  
綵輿燈火槩極豪侈三日後見家廟拜舅姑戚  
屬謂之拜三朝

鄉黨以齒爲序惟戚屬遠賓及尊爵者則別序  
讓尚左俗好客雖遠方遊藝者亦多以禮致之  
賓會珍錯疊陳物稍賤則懼其瀆客甚至一筵  
輒費數金邇來財力殫絀漸從簡約五簋箴士  
大夫頗倡行之亦復古之一端也



士行先孝弟矜名節躍冶者同類恥之平居厭入公府無抗糧武斷之事制舉一準先民不事勦襲治經惟毛詩居多周易次之春秋二戴又次之唯尚書則罕治風雅比戶不輟論道講學間一見焉古文詩歌代有專家性多聰穎文課之餘間及藝事他如繪畫篆隸之類亦各擅其妙

四民惟農最苦而通尤甚負郭之農勞而沃遠鄉之農勞而瘠近海之農瘠而貧近江之農逸

而促無田之農受田於人名為佃戶無力受田者名為雇工多自食其力不敢為非

通人柔脆不任勞苦令適百里非裹三日糧則廢然返貿易則本土列肆者居多不趕集不以婦女主店質庫無土著人凡田宅買賣糶糴之事多任牙僧官給帖謂之經紀非其關說則不得行

通民安土樂業而重犯法急公事賦役從來無逋欠多貧作富態地無娼館閨閫之別頗嚴惟



春月婦女多登山燒香俗尚鬼喜迎神賽會建  
庵寺施捨飯僧歲糜費金錢俗多溺女貧家無  
活計亦有溺其子者近建育嬰堂賴當事加意  
捐助收活無筭民狡桀者喜訐訟豪吏輒世其  
家衙皂率多副役皆積習使然

揚州府祠廟考一

府志

本府

江都縣附郭

社稷壇 在府城西門外壕西

風雲雷雨山川壇 在府城南門外三里橋北

郡厲壇 在府城北門外壽寧街東

江水祠 漢書地理志云在江都縣蓋漢宣帝

詔祀處或謂為瓜洲江海神祠者非是

江海潮神祠 在瓜洲鎮

城隍廟 在府西北



邗溝廟 在江都縣大觀圖經祀邗溝神

八蜡廟 在府城西門外明嘉靖二十年通判

周鼎建

盤古廟 在西興鄉有盤古山廟中像蓋成都

周公禮殿畫像也

夏禹王廟 在浮山後

魏文帝廟 丕攻江南十月詣廣陵大寒水冰

舟不得入臨江而還後人於城東四十里蔡家

莊立廟稱曹王廟後土人或誤爲曹彬云

隋燕王廟 大觀圖經云隋大業十三年宇文

化及弑煬帝孫燕王倓及於難唐太和二年詔

立廟

謝太傅祠 在揚州子城上祀晉太傅謝安

甘棠廟 在邵伯鎮亦祀謝公

忠貞祠 在江都南門內祀晉尚書令卞壺今

子孫最繁衍

韓忠獻祠 在雍熙院內宋孫賁以所藏魏公

圖像置祠祀之蔣之奇有記



范文正公祠 在鹽場便倉西官路南公築捍  
海堰時嘗憩於此人因立祠

彭守祠 在府城內祀守知揚州彭思末

畢招撫祠 宋開禧間揚民以州守畢再遇戰

禦有功祠於夾城

鄭忠肅祠 祀宋守鄭興裔鄭少魏有記

崔守祠 祀宋知州崔興之

丘公祠 祀州守丘岳

羅令祠 在邵伯鎮祀宋縣令羅適秦觀有記

顯勇廟 在府城內祀守死節臣吳從龍

三將軍廟 在府城西祀宋將軍元怡梁宏張

昭

旌忠廟 在瓜洲祀宋死節臣魏全王方明初

復立廟府城內每歲府官致祭

董子祠 原在兩淮運司後堂司即董子宅內

有井曰董井明正德間巡鹽御史朱冠運使畢

亨移於新興坊春秋運司官致祭判官劉讓買

田十畝辦祭器嘉靖二十一年春巡鹽御史胡



植令祭董子祠運司官主祭府縣官並儒學師生俱往陪祀末為定規

文丞相祠 先在江都城西三義廟側明正德間巡鹽御史劉澄甫以文公罹宋難間關揚境志圖恢復故祠卑隘不稱立新祠城南制頗宏麗澄甫自為之記春秋令府官致祭嘉靖二十一年春巡鹽御史胡植令凡祭祀之日各官屬俱往陪祭

大忠祠 在南門內新橋坊祀李廷芝以姜才

陸秀夫等十二人配春秋二祭

雙忠祠 在廣儲門外梅花嶺左祀李廷芝姜

才石坊尚存春秋二祭不廢

蔣公祠 在府南門月城內祀明知府蔣瑤正

德十四年以武宗南巡瑤不畏權豪民賴以安故立祠祀之

范公祠 在府南門外官河東祀兩淮運使范

璉

聲隅先生祠 在江都揚子橋宋江都令羅適



建祀寓賢黃晞有蘇頌記

蔣忠烈祠 祀漢秣陵尉蔣子文在府南門外

宋紹定三年李全擁衆圍城帥趙范默禱於神

屢戰獲捷爲新其祠

雙忠祠 在西門內四望亭明天啓元年勅建

祀高邦佐陳輔堯

廣陵五先生祠 在府城西門外十里平山上

舊祀胡瑗李衡王居正後增祀李樹敏沈珠

三烈女祠 在瓜洲鎮明嘉靖六年巡按御史

王鼎江都知縣劉良卿以嵩山寺隙地建祠祀

宋烈婦趙淮妾明烈女殷氏周氏

周公祠 一在府城內一在鈔關門外南岸兵

備道周亮工有德於揚郡人祀之

儀真縣

社稷壇 在縣西門外壕西

風雲雷雨山川壇 在縣南門外宋嘉定十四

年郡守吳機建

邑厲壇 在縣北門外



鄉厲壇 共一十四所在各鄉都

城隍廟 在縣東

白沙廟 宋嘉定五年郡守吳機以真州舊名

白沙故建廟以祀神云

梁昭明太子祠 在縣南

伍胥廟 在縣西胥浦

惠愛廟 在縣東北五里甘露鄉祀唐工部尚

書張萬福古志云宋宣和六年運判向子諲具

感應事請於朝因建廟

康令祠 在義城村一名明王廟唐咸通間歲

早六合康令以身禱雨跨白馬入江死雨遂霑

足歲大稔邑人因立廟宋開禧丙寅兵燬嘉定

間郡守豐有俊再建於州城西今廢

邵節使祠 宋邵宏淵與金帥蕭琦戰於真州

之胥浦橋州民得以渡江遂免於難事平民為

立祠

三將軍廟 在縣北

文丞相祠 在東關河岸上名大忠祠明成化



間主事夏英以公嘗至真州立廟以宋死節臣  
苗再成姜才配嘉靖間主事敖英復增祀趙孟  
錦

三賢祠 以元郝經吳澄張瑄嘗寓於真故作

祠祀之

忠臣廟 祀明洪武樞密院判王鼎鼎

浣紗女廟 在縣西四十里舊志云伍員亡楚

過此見一女浣紗因囑之曰後有追至勿言女

遂赴水死以絕口後人因祀之儀真有雞畱山

卽員後留雞以祀女處

孝婦祠 十道志云揚州有孝婦祠寰宇記云

卽于公所祭者今不知其所儀真新志云在朴

樹灣爲農人周祥妻張氏明崇禎七年郡人姚

思孝捐貲倡建舊有坊顏曰剖腹活姑

泰興縣

社稷壇 在縣西門外一里

風雲雷雨山川壇 在縣南門外

邑厲壇 在縣北門外一里



鄉厲壇 共二十二所

城隍廟 在縣西邑人言陸琢修廟時蝙蝠糞神像塑工不得施丹粉琢率諸人禱於神一夕死者千頭

東平王廟 在太平鄉祀漢東平王蒼

岳王廟 在口岸明洪武元年建

馬令祠 祀宋縣令馬尚

顧孝子祠 在縣治寅賓門外祀宋孝子顧忻  
明嘉靖十四年知縣朱篋建

茅公祠 在樂善坊卽茅舊宅祀建文死節副都御史茅大芳嘉靖中知縣朱篋考其故宅於市橋迤南屋廬堂寢咸在乃仍其舊更加修飾遷主其間立祠焉布政張羽爲之記

曾襄敏祠 祀故尚書曾銑今廢

高郵州

社稷壇 在州西北

風雲雷雨山川壇 在州南

州厲壇 在州東北



鄉厲壇 共一十四所

清水潭龍神祠 在州北

城隍廟 在州東

夏禹王廟 在臨澤鎮

秦子嬰廟 在臨澤鎮

漢高帝廟 在沛城村

漢更始廟 在臨澤鎮

武寧王廟 在三垛鎮梁簡文帝第十五子大

威大寶元年封武寧王二年為丹陽尹遇害二

梁土人立廟祀之

紹興三鉅公祠 祀宋張浚韓世忠岳飛

韓宣撫祠 宋韓世忠守高郵有功民為立祠

賈价有記

陳提舉祠 宋提舉陳捐之興水利有功民為

立祠

樊良廟 在樊良湖堤上宋守馬光祖以前守

葉秀發為民興水利祀之

林太守祠 宋守林伯成有惠政民為立祠



應教授祠 宋教授應武有善教士子爲立祠  
康澤廟 在高郵湖中洲上祀宋耿遇德每歲  
州官致祭

四賢堂 祀宋孫覺秦觀喬執中朱壽昌

露筋祠 在高郵界宋米芾有碑記明徵士王  
彝詩淮城小如蓋僻在湖草邊蕭條城下路昔  
有兩嬋娟秋姿艷明月相攜良可憐小姑泣向  
嫂薄暮慘墟烟炎天值暑溽一望白水田穰稔  
雜稂莠遠與蒲荷連落日帶沙岸滿耳雷闐闐

徬徨自相弔所惜在青年依稀雙影長顧見返  
照前修途行旅盡惆悵不能還夏蚊喧且起著  
面劇霜鷓囊空無帷帳奈此萬嘴穿前村有雞  
犬燈火見歸船茅茨出叢薄隱約四五椽匪無  
有帷子叩門聊息肩嫂云得相依小姑淚濺濺  
冰肌與玉體忍委一夕眠風生翠木下兀兀坐  
爲禪嗜膚攢利鏃灑血亂幽泉平生弱女子苦  
當雞肋拳肉盡志終定柔筋露蜿蜒森然出天  
巧工豈人力鐫含笑化爲鬼攝衣上雲軒素娥



共蟾窟錯落諸星躔天孫下機處一時成俗緣  
何如作貞鬼心不愧青天千年露筋廟野水流  
涓涓崇祠闖水裔蛛絲縈几筵明粧儼如昨彷彿步湖蓮鄉人粉榆社日有牛羊牽車旗颯靈  
雨簫鼓咽秋蟬祇愁神返駕不得此周旋  
英烈夫人祠 祠卽毛惜惜死節處宋理宗朝  
勅建賜號俗呼爲異娼廟按明一統志宋毛惜  
惜高郵官妓也端平二年榮全據高郵城叛召  
惜惜佐酒惜惜罵曰汝本健兒官家何負於汝

而反吾有死耳不能爲反賊行酒全以刃裂其  
口立命嚮之至死罵不絕後閩臣以聞於朝特  
封英烈夫人且賜之廟宋方岳爲立傳潘紫岩  
作詩云淮海艷姬毛惜惜娥眉有此萬人英恨  
無七首學秦女曩使裹頭真杲卿玉骨花顏城  
下土冰魂雪魄史中名古今無限腰金者羅綺  
叢中過此生

興化縣

社稷壇

在縣西門外



風雲雷雨山川壇 在縣南門外

邑厲壇 在縣北門外一里餘

鄉厲壇 共一十四所

城隍廟 在縣西迎恩橋北

昭陽廟 在昭陽山春秋時楚令尹昭陽食采

於此有惠在民故立廟祀之

三閭大夫廟 在縣東

范文正公祠 在儒學內邑人以公會令興化

立祠祀之

范公祠 祀文正公明正德間高郵州同知胡

堯元改五聖廟為祠嘉靖間知縣楊愷復改祐

聖觀為祠以知縣胡拱辰巡撫唐龍巡鹽御史

陳蕙配

張詹祠 在南門外明嘉靖間知縣李世熙建

祀宋張綸詹士龍

洪公祠 祀巡鹽御史洪垣

傅侯祠 祀知縣傅珮

仰止祠 在南門內祀提學副使胡獻知縣傅



城隍廟 在縣南門內

崇德祠 祀李春芳

雙貞女祠 在南門內知縣李世熙立祀劉仲

二烈女

寶應縣 在縣南門外

社稷壇 在縣北門外

風雲雷雨山川壇 在縣南門外

邑厲壇 在縣北門外一里

鄉厲壇 共二十三所

馬神廟

城隍廟 在縣東南隅

雙烈祠 祀漢臧洪陳容

泰州

社稷壇 在州西門外

風雲雷雨山川壇 在州南門外

邑厲壇 在北門外一里

鄉厲壇 共一百四十二所

城隍廟 在州東南



三賢祠 祀宋發運使張綸胡令儀監西溪塲  
鹽稅范仲淹並以修捍海堰有功於民故祀之  
思賢堂 在州學內初建五賢堂祀韓琦歐陽  
修呂公著蘇軾等五人宋教授彭方重建增祀  
陳瓘任伯雨爲七賢堂州守岳珂又增祀王禹  
偁杜衍包拯唐介呂頤浩易爲景賢堂端平以  
後州人又增宋庠鄒浩李衡崔與之云  
忠節祠 在州治東南二里宋將孫虎臣死節  
州人立祠祀之

趙公祠 在城東北宋紹定間李全擁衆犯州  
江淮制置大使趙善湘淮東安撫使趙范淮東  
提刑趙葵指授諸將合力平賊州人德之爲立  
祠祀焉

三忠臣祠 祀宋李庭芝孫虎臣姜才

六太守祠 祀宋守荆罕儒周述田錫張綸孔  
道輔曾致堯

名賢祠 卽舊景賢堂明嘉靖元年知州金廷  
瑞等建祀富弼范仲淹胡瑗王揚英陳瓘趙抃



孔道輔曾肇胡令儀岳飛文天祥

馬通判祠 祀宋通判馬尚

董孝子祠 在西溪鎮祀漢董永維揚新志辨

永為湖廣孝感人然秦州有董永墓及繅絲井

或永僑寓於此未可知

胡安定先生祠 在泰山知州王臣建

王心齋祠 祀理學王良

如臯縣

社稷壇 在縣西一里

風雲雷雨山川壇 在縣東南一里

邑厲壇 在縣河北三百一十步

鄉厲壇 共四十所

城隍廟 在縣東隅

胡安定先生祠 宋崇寧元年建於縣治東南

隅明正統二年提學御史彭助令知縣曹立移

建於儒學西南有司春秋致祭

貞烈祠 祀節婦盧氏葛氏顧氏許氏章氏許

氏石氏胡氏許氏烈女李氏



通州

社稷壇 在西門外

風雲雷雨山川壇 在南門外

州厲壇 在東門外二里

鄉厲壇 共一百一十所

江海神祠 在狼山

城隍廟 在州東北隅

張武定祠 元張弘綱自江陰移鎮通州有惠

於民後征八百媳婦戰歿門客葛漢卿等立祠

於通州虞集輩俱有詩

文丞相祠 在東門外觀音山判官史立模建

胡文定公祠 在南門外知州鍾汪同知豐坊

建

四賢祠 祀范仲淹胡瑗岳飛文天祥明嘉靖

二十一年春學正歐陽瑜等請於巡鹽御史胡

植行有司即通州書院改為祠

三賢堂 知州蔣元肅建祀州人張次山寓賢

陳瓏任伯雨



錢公祠 祀參政錢業

名賢祠 在東門外里許判官史立模建祀孫

覺張次山任伯雨



